

no. 5

ARREST DE LA

Cour de Parlement du

2. Ianuier 1615.

TOUCHANT LA SOUVERAINETÉ
du Roy au temporel, & contre la pernicieuse
Doctrine d'attenter aux personnes sacrées
des Roys.

EN SVITE DVQUEL SONT
LES ARRESTS DONNÉS SVR LE
mesme subiect.




A PARIS,

Chez F. MOREL, & P. METTAYER,
Imprimeurs & Libraires ordinaires
du Roy.

M. D C. XV.

duplicate
not cataloged



A 1111

UNIVERSITY OF MICHIGAN
LIBRARY

M. D. C. X. V.



EXTRAIT DES REGISTRES de Parlement.

S V R ce que le Procureur General du Roy a remonstré à la Cour, toutes les Chambres d'icelle assemblées, que combien que par plusieurs Arrests cy-deuant donnez avec grande & meure deliberation la Cour ait confirmé les maximes de tout temps tenues en France, & nées avec la Corone, *Que le Roy ne recognoist aucun Superieur au temporel de son Royaume, sinon Dieu seul : & que nulle puissance n'ha droit ny pouuoir de dispenser ses subiects du serment de fidelité, & obeissance qu'ils luy doibuent, ny le suspendre, priver, ou deposer de sondict Royaume : & moins*

d'attenter, ou faire attenter par autorité soit publique ou privée sur les personnes sacrées des Roys : Neantmoins il a esté aduerti que par discours tant en particulier qu'en public plusieurs personnes se donnent la licence de reuoker en doubte telles maximes, disputer d'icelles, & les tenir pour problematiques, dont peuuent arriuer de tres-grands inconueniens, auxquels est nece ssaire de pouruoir, & promptement. Requerant qu'attendu que la Cour est assemblée toutes affaires cessantes il luy plaise ordonner que lesdicts Arrests seront renouvellez, & de rechef publiez en tous les sieges du ressort d'icelle l'audience tenant, afin de tenir les esprits de tous subiects du Roy de quelque qualité & condition qu'ils soient confirmez & certains desdictes maximes & regles, & pour la seureté de la vie du Roy, paix & tranquillité.

té publique : Avec defenſes d'y contreuenir ſoubs les pœnes portées par leſdicts Arreſts. Et qu'il ſoit enjoinct à tous ſes ſubſtituts en faire faire la publication , & en certifier la Cour au mois, à pœne de priuation de leurs charges.

LA COUR, toutes les chambres aſſemblées, a ordonné & ordonne que les Arreſts des ſecond Decembre mil cinq cents ſoixante & un, vingt neufuième Decembre mil cinq cents nonante quatre, ſeptième Ianuier, & dix neufuième Iuillet mil cinq cents nonante cinq, vingt ſeptième de May, huiſtième Iuin, & vingt-ſixième de Novembre mil ſix cents dix, & vingt-ſixième de Iuin mil ſix cents quatorze, ſeront gardéz & obſeruez ſelon leur for-

me & teneur: Faict defenses à toutes personnes de quelque qualité & condition qu'elles soient d'y contrevenir, soubz les pœnes contenues en iceuls: Et à ceste fin seront publiez aus Bailliages, Seneschaulcees, & aultres sieges de ce ressort, à la diligence des Substituts du Procureur General, qui en certifieront la Cour au mois, à pœne d'en respondre en leur nom. Faict en Parlement le second de Ianuier mil six cents quinze.

Signé,

VORSIN.

ARREST
ET PROCES VERBAL D'E-
xecution d'iceluy contre Iehan Tan-
querel, du 12. de Decembre 1561.

Extraict des Registres de la Cour de Parlement.

LAN mil cinq cents soixante & vn, le Ven-
dredy 12. iour de Decembre, nous Christo-
phle de Thou, Conseiller du Roy, President en
la Cour de Parlement, Charles de Dormans,
Barthelemy Faye, Conseillers en icelle, Iuges
commis & deputez par ladite Cour, pour l'ex-
ecution de l'Arrest donné en icelle, le 2. iour de
ce present mois, à l'instance & Requête du Pro-
cureur general en ladite Cour, contre Maistres
Nicolle Maillard Doyen, Iehan Aleaume, Iehan
Pelletier, Iehan Allain, Iacques Cayn, & Noël
Paillet, Docteurs en la Faculté de Theologie,
pour raison des propositions tenuës par Iehan
Tanquerel, Bachelier formé en ladite Faculté, du-
quel Arrest la teneur ensuit.

Ce iourd'huy apres que le Procureur general
du Roy, presens Maistres Nicolle Maillard
Doyen, Iehan Aleaume, Iehan Pelletier, Iehan
Allain, Iacques Cayn, & Noël Paillet, Docteurs
en la Faculté de Theologie, pour ce mandez, a
requis à la Cour qu'ils eussent suiuant les inion-
ctions à eux plusieurs fois faictes par ordonnance
d'icelle Cour, de représenter Messire Iehan Tan-

querel Bachelier en Theologie, pour respondre sur la proposition par luy disputee; lesdits de la Faculté ouïs en leurs diligences & excuses, ensemble ledit Procureur general en ses conclusions; eux retirez, & la matiere mise en deliberation, les grandes Chambres, & du Conseil assemblees: La Cour a ordonné & ordonne que suivant la declaration baillee par Messire Jehan Tanquerel, signee de sa main, & pour son absence au lieu de luy, le Bedeau de la Faculté de Theologie declarera en pleine Sorbonne, en presence des Doyen & tous les Docteurs de ladite Faculté, mesmes dudit Cayn, Bacheliers de ceste licence prochaine, qui seront pour cet effect congregez & assemblez, sur peine d'estre priez des Privilèges à eux octroyez par le Roy & ses Predecesseurs, assistant l'un des Presidents, deux Conseillers du Roy en icelle Cour, & le Procureur general dudit Seigneur, qu'il desplaist audit *Tanquerel* d'avoir tenu telle proposition, qui sera leuë, que indiscrettement & inconsiderement ladite proposition a esté tenueë & disputee, & qu'il est certain du contraire, supplira tres-humblement au Roy luy pardonner l'offence qu'il a faite, pour avoir tenu ladicte position, & icelle avoir mise en dispute: Et ce fait, leur seront par ladite Cour faictes deffences à l'aduenir de tenir telles positions: Et d'abondant que deux d'entr'eux seront deputez pour aller deuers le Roy, afin de le supplier tres-humblement, qu'il leur veuille pardonner l'offence en laquelle ils peuvent estre encourus, pour avoir permis ladicte dispute, & les tenir en sa boune grace, en laquelle ils desirent de-

meurer

meurer comme ses tres-humbles & tres-obeissants subiects & seruiteurs. Faict en Parlement le second iour de Decembre 1561.

Appellez avec nous ledit Procureur general, & Claude Berruyer l'un des quatre Notaires de ladite Cour, & Barat premier Huissier en icelle, sommes transportez heure de sept heures au matin en la grande Salle de Sorbonne, auquel lieu après que les Doyen, Docteurs & Bacheliers de ladite Faculté, qui ensuiuent, sçauoir Messire Nicolle Mailard Doyen, Iehan Daul, Iehan Benedicti, Guillaume de Peçu, Iehan Aleaume, Iacques Chrestien, Iehan Pelletier, Gerard du Mesnil, Hubert Guichenot, Iacques Cossion, Guillaume des Prez, Iehan Moreau, Denis Chamuer, Theodore Ronsee, Philippes Maheur, François Dampmartin, Pierre Bourroine, Iacques le Febure, Iehan Portuer, Iacques Cayn, Nicolas Idoine, Lazare Broichet, Guillaume Chauffee, Anthoine Boucheln, Pierre Vigneron, Nicolas Cousin, Charles le Maistre, Nicollas Pugnance, Olliuier de Quitte-bœuf, Iehan Paris, Estienne Corneul, Guillaume Gaillard, Iehan Falaize, Iacques Muldrac, Pierre Fournier, George Perron, Audebert Macéré, Martin Euerard, Ioseph Sasot, Iacques le Hongre, Anthoine le Bailly, tous Docteurs en la Faculté de Theologie: Maistres Iehan Nicolas, Pierre Boucher, Iacques Violet, Nicolas Bennart, Pierre Gemelly, Thomas Groult, Maximilian Guiland, Firmin Ballefdens, Nicolas Gaultier, Pierre Thierry, Pierre Vieil, Iehan Codier, Iacques de Lassus, François Carreau, Ba-

confusion, scandale, & desolation. *Ista quippe (comme di& Gregorius Nazianzenus, & Chrysostomus) à Christi discipulis remota sunt, neque illo digna ore, quod quidem sacris constitutionibus est dictum & consecratum. Nihil amarum, nihil durum ea lingua proferat, quæ quidem diuinis & mysticis rebus est assueta, ne ad iracundiam Deum prouocet.*

Et certainement la prudence humaine, qui est requise pour la conseruation de l'estat public, consiste principalement en ce que disoit Epictetus en son Histoire, de ne tenir ne mettre en auant propos, sinon ceux qui sont necessaires pour l'establissement & pour le repos de la Monarchie: Et (comme disoit Simonides) *silentij iustior & dulcior fructus est, quam quæ non decent dicere: opportunaque est oratio ea (comme disoit Isocrates) quæ quidem ea quæ sunt tacenda, subtrahet, quæ dicenda, proloquitur.* Pour ceste cause disoit avec grande raison Anaxarchus, que le grand estude & cognoissance de beaucoup de choses, souuentefois nuit à celuy qui est si sçauant & cognoissant, quand il n'en vse sagement, & quand il ne considere mesmes le temps & saisons, enquoy gist la principale partie de sapience.

Or, Melsieurs, la Cour, qui est, *aqui & boni moderatrix*, ayant entendu *quàm esset exulceratus animus Regis & Principum*, a voulu par sa prudence accoustumee, *huic vulneri mederi.*

Et pour cest effect, *ne quem indicta causa damnare diceretur*, a fait ouir ledit Tanquerel, sur la position susdicte par Melsieurs le President de Thou, & Conseiller de Dormans, lequel apres remontrance à luy faite de la part desdits Sieurs, a re-

edgneu telle position auoir esté par luy indiscret-
 tement & intempestiuement dictée, proposée &
 soustenuë avec supplication de luy vouloir par-
 donner, offrant de sa part faire declaration con-
 traire, tant en public qu'en priué : Ledit *Tanque-
 rel* apres les interrogatoires s'est rendu absent, ne
 sçay par le conseil de qui. Et combien que la Cour
 vsant de la rigueur de la loy ordinaire & accou-
 stumee, & *formulis assuetis*, eust peu faire appeller
 & proclamer à ban, & *trinundino eum euocare*: tou-
 tes fois, *hac omnia sinu suo continens*, pour euitier à
 tous scandales, a ordonné que le Bedeau de la
 Theologie, en l'absence dudit *Tanquerel*, feroit la
 declaration telle qu'il est porté par l'Arrest, de
 l'execution duquel est à present question.

Messieurs, vous sçauiez que si les hommes par
 cas fortuit ou autrement, tombent en quelque
 maladie, indisposition, eluxation, ou dislocation
 de membres, *peritissimos quosque medicos & chirur-
 gos sibi asciscunt, vri se & secari patiuntur*, pour l'espe-
 rance qu'ils ont de guarison, comme dit I Socra-
 tes, *in Arcopagenco*: Mais quant aux maladies &
 infirmitiez d'esprit, & quand quelqu'un par teme-
 rité & inaduertance, *lapsus est, aut errauit*, *medicina
 vnica animi est oratio*, comme dit Clemens Ale-
 xandrinus, asçauoir l'admonition, l'exhortation,
 reprehension, laquelle encore qu'elle ait quelque
 amertume en soy: toutes fois, comme dict sainct
 Paul, *in posterum gaudij est & exultationis, & fructus
 dulces adfert*: Et n'y a chose qui se doieue recueillir
 de si bonne part, *quam in ista illa reprehensio, quæ est
 verus & veluti prauus medicus animi*: Et partant re-
 cueillant en soy, *omnes rationes mansuetudinis &*

clementia, dont le Roy & la Cour en ont vsé en cet endroit, ne peut moins faire que de requérir l'exécution del' Arrest. Et en ce faisant; en premier lieu, que la declaration portee par iceluy, soit presentement executee, & faicte par le Bedeau de la Faculté.

En second lieu, que la Faculté aye à deputer des personnes pour eux retirer vers le Roy, & la Roynemere, aux fins contenues en l' Arrest, lesquels ils trouueront plains de douceur, de clemence, & prests à les recueillir en toute humanité, en recognoissant la faute par eux commise. Et au surplus, qu'il vous plaise pareillement les admonester, qu'en tous les actes qui se presenteront, esquels l'on voudra toucher aucunement à l'Estat du Roy, & de son Royaume, soit en Predications, soit en disputes, ou autrement, qu'ils l'empeschent, & qu'il ne sorte rien de leur eschole & de leur bouche, qui ne soit à l'edification & establisement du repos & tranquillité publique, & *sic sermo illorum sale sapientia semper conditus*. Et finalement qu'ils se comportent tellement en faicts & en dicts, *vt omnium reddendam rationem*, (comme disoit Africanus) *esse arbitrentur*: Ce faict auons commandé audit Berruyer de faire lecture dudit Arrest, interrogatoire, & confession faicte pardeuant nous, & ledit de Dormans, audit *Tanquerel*; ce qu'il a faict: duquel interrogatoire & confession, la teneur ensuit;

L'an 1561. le Ieudy troisieme iour de Novembre, nous Christofle de Thou Conseiller du Roy, President en la Cour de Parlement, & Charles de Dormans Conseiller en icelle, suiuant l'ordon-

nance de Monsieur le Chancelier, & de ladicte Cour, appelez avec nous Maistres Gilles *Bourdin* Procureur general, & Iehan Camus Notaire & Secretaire du Roy, & de ladite Cour, auons mandé en nostre maison d'habitation de nous de Thou President, Maistre Iehan *Tanquerel* Bachelier formé en Theologie, demeurant au College de Harcourt; lequel en la presence desdicts Procureur general, & Camus secretaire, & de Maistre Nicolle Maillard Docteur en Theologie, Chanoine del'Eglise de Paris, Doyen de la Faculté de Theologie, & Iacques Cayn aussi Docteur en ladicte Faculté, demeurant au College des Cholets: Et apres serment fait par ledict *Tanquerel* de dire verité, auons enquis quelles positions il auoit tenuës & disputé à son acte de grand Ordinaire, leudy dernier, & s'il en auoit copie. Nous a à l'instant ledit *Tanquerel* exhibé vne copie de seldites positions, escrites en vn fueillet de papier, qu'il a signee de nostre ordonnance, & laquelle a esté paraphée par ledit Camus, *ne varietur*. Et sur ce par nous enquis, a dit & confessé, que veritablement il auoit tenu & disputé lesdites positions le sixiesme de ce mois, sous ledict Docteur Cayn, és escholes du College de Harcourt, mesmes le premier article d'icelles, duquel la teneur s'ensuit;

Ecclesia cuius solus Papa Christi Vicarius Monarcha spiritualem & secularem habens potestatem omnes fideles subiectos continens Principes, suis preceptis rebelles, regno & dignitatibus priuare potest, nec suam haeresim occultam alteri reuelare teneatur. Et que sept ou huiet mois auparauant il les auoit colligé & mis par es-

clementia, dont le Roy & la Cour en ont vſé en cet endroit, ne peut moins faire que de requerir l'exécution del' Arrest. Et en ce faifant, en premier lieu, que la declaration portee par iceluy, ſoit preſentement executée, & faicte par le Bedeau de la Faculté.

En ſecond lieu, que la Faculté aye à deputer des perſonnes pour eux retirer vers le Roy, & la Roynemere, aux fins contenuës en l' Arrest, leſquels ils trouueront plains de douceur, de clemence, & preſts à les recueillir en toute humanité, en recognoiſſant la faute par eux commiſe. Et au ſurplus, qu'il vous plaiſe pareillement les admonetter, qu'en tous les actes qui ſe preſenteront, eſquels l'on voudra toucher aucunement à l'Eſtat du Roy, & de ſon Royaume, ſoit en Predications, ſoit en diſputes, ou autrement, qu'ils ſ'empelchent, & qu'il ne ſorte rien de leur eſchole & de leur bouche, qui ne ſoit à l'edification & eſtabliſſement du repos & tranquillité publique, *Et ſit ſermo illorum ſale ſapientia ſemper conditus.* Et finalement qu'ils ſe comportent tellement en ſaiſts & en dictz, *vt omnium reddendam rationem,* (comme diſoit Africanus) *eſſe arbitrentur* : Ce ſaiſt auons commandé audit Berruyer de faire lecture dudit Arrest, 'interrogatoire', & confeſſion faicte pardeuant nous, & ledit de Dormans, audit *Tanquerel*; ce qu'il a faict : duquel interrogatoire & confeſſion, la teneur enſuit;

L'an 1561. le Ieudy troiſieſme iour de Nouembre, nous Chriſtoſte de Thou Conſeiller du Roy, Preſident en la Cour de Parlement, & Charles de Dormans Conſeiller en icelle, ſuiuant l'ordon-

nance de Monsieur le Chancelier, & de ladicte Cour, appelez avec nous Maistres Gilles *Bourdin* Procureur general, & Iehan Camus Notaire & Secretaire du Roy, & de ladite Cour, auons mandé en nostre maison d'habitation de nous de Thou President, Maistre Iehan *Tanquerel* Bachelier formé en Theologie, demeurant au College de Harcourt; lequel en la presence desdicts Procureur general, & Camus secretaire, & de Maistre Nicolle Maillard Docteur en Theologie, Chanoine del'Eglise de Paris, Doyen de la Faculté de Theologie, & Iacques Cayn aussi Docteur en ladicte Faculté, demeurant au College des Cholets: Et apres serment fait par ledict *Tanquerel* de dire verité, auons enquis quelles positions il auoit tenuës & disputé à son acte de grand Ordinaire, leudy dernier, & s'il en auoit copie. Nous a à l'instant ledit *Tanquerel* exhibé vne copie de seldites positions, escrites en vn fueillet de papier, qu'il a signee de nostre ordonnance, & laquelle a esté paraphée par ledit Camus, *ne varietur*. Et sur ce par nous enquis, a dit & confessé, que veritablement il auoit tenu & disputé lesdites positions le sixiesme de ce mois, sous ledict Docteur Cayn, és escholes du College de Harcourt, mesmes le premier article d'icelles, duquel la teneur s'ensuit;

Ecclesia cuius solus Papa Christi Vicarius Monarcha spiritualem & sacularem habens potestatem omnes fideles subiectos continens Principes, suis praeceptis rebelles, regno & dignitatibus priuare potest, nec suam haeresim occultam alteri reuelare tenerur. Et que sept ou huit mois auparauant il les auoit colligé & mis par es-

prit à son priué, & qu'après les auoir communi-
 qué à quelques Docteurs en la maniere accoustu-
 mée, il en fit faire plusieurs copies qu'il bailla aux
 Docteurs & Bacheliers en Theologie & ses
 amis, les inuitant en son acte, qu'ils appellent le
 grand Ordinaire: A ouy dire que ledit article a
 esté souuent disputé aux escholes, & est traicté
 aux questionnaires, & n'a pensé aucunement of-
 fencer la Maieité du Roy, ny personne: Et s'il eust
 estimé que ledit article eust esté mal pris, il ne
 l'eust proposé en ladite dispute, disant que les
 questions qu'on a accoustumé de proposer aux
 escholes, ou actes de Theologie, sont problema-
 tiques & disputables, & non tenues toutes pour
 veritables. Luy auons remonstré que le contenu
 audit article ne deuoit estre mis en dispute, ayant
 esté autresfois condamné apres le decez du Pape Beni-
 face huitiesme, lequel auoit maintenu ceste propo-
 sition veritable, & icelle fait publier en forme de
 constitution: A dict qu'il scait que ceste opinion
 a esté condamnée; toutesfois que plusieurs la
 tiennent pour soutenir & deffendre la puissance
 du Pape: Et quant à luy, scait & confesse qu'il y
 a distinction de puissances, & qu'au Pape appartient
 la spiritualité, & aux Rois & Princes la tempo-
 ralité. Luy auons pareillement remonstré que
 ceste proposition a esté disputée en temps mal à
 propos, & plein de troubles, auquel il deuoit
 plustost tenir propositions pour contenir le peu-
 ple en l'obeissance du Roy, que pour l'esmou-
 uoir: Nous a dict qu'il luy desplait grandement
 qu'il n'a considéré & esté aduertý de ce que des-
 sus, & que s'il y eust bien pensé il ne l'eust fait,

n'y voulu faire : Et supplie très-humblement le Roy luy pardonner l'offence qu'il luy pourroit auoir faite en cet endroit, qui n'a esté par malice ny mauuaise volonté, & a desiré, & desirera toute sa vie demeurer tres humble & tres-obeyssant seruiteur & subiect de sa Maiesté, & sera tousiours prest d'en faire telle declaratiõ qu'il luy plaira ordonner, soit en priué, soit en public. Est tout ce qu'il a respondu, qu'il a signé de sa propre main. Ainsi signé de Thou, de Dormans, Tanquerel.

Et en executant ledit Arrest au premier chef, auons commandé audit Barât premier Huissier de lire & faire prononcer à Pierre Goux Bedeau de ladite Faculté present, estant nud teste, & sur pieds, la declaration y contenuë, comme ensuit.

Ie declare en l'absence de Jehan Tanquerel, & pour & en son lieu, qu'il me desplaist d'auoir tenu la position ensuiuant, *Quod Papa Christi Vicarius Monarcha, spiritualem & sacularem habens potestatem, Principes suis præceptis rebelles, Regno & dignitatibus priuare potest* : Et qu'indiscrettement, & inconsiderement, i'ay icelle proposition tenuë & disputee, & suis certain du contraire : Supplie tres-humblement au Roy me pardonner l'offence que i'ay faicte, pour auoir tenu ladite proposition, & icelle mise en dispute.

Procedant en outre à l'execution dudit Arrest, leur auons remonstré que l'Arrest de la Cour, l'execution duquel estoit poursuiuie par le Procureur general en icelle, & pour lequel executer, nous auons esté commis, auoit ja esté executé pour le premier chef d'iceluy, concernant la per-

sonne de Maistre Iehan Tanquerel absent : restoit à executer le second chef, qui estoit bimbembre, concernant les Docteurs & Bacheliers formez de ladite Faculté, dont l'un se pouuoit executer presentement, l'autre ne se pouuoit executer sinon en la presence du Roy & de sa personne. Ce qui se pouuoit presentement executer, estoit touchant les deffences ordonnees estre faictes par ledit Arrest à ceux de ladite Faculté, de non souffrir telles positions, que celle dont est venue la plainte, estre disputee à l'aduenir; A ceste cause, en executant ledit Arrest, & suiuant iceluy, nous auons fait & faisons deffences de par le Roy, & la Cour de Parlement ausdits de la Faculté de Theologie, de non d'oresnauant souffrir telles positions estre mises en disputes, sur peine de cent marcs d'or applicables au Roy, de priuation des Priuileges à eux octroyez par le Roy & ses predecesseurs Roys, & autres plus grandes peines, s'il y eschet, à la discretion de ladite Cour.

Leur remonstrant que telles disputes qui ne tendent à aucune edification, mais plustost à la subuersion des escoutans, estoient & auoient esté specialement & nommément deffenduës, & comme S. Paul auoit escript aux Philippenes, eux qui estoient la lumiere du monde, & le sel de la terre, deuoient estre tels, & se monstrier tels, *vt nemo de cis queri possit, vsant de ces mots, tales estote, vt sit nemo qui de vobis queri possit, irreprehensibiles in medio nationis praua & tortuosa, inter quos lucete tamquam luminaria in mundo, sermonem vite sustinentes, quem in vobis inhabitare oportet abun-*

dant cum omni sapientia. Et en autre passage, dict, *cum conuenitis unusquisque vestrum, alius habet linguam, alius psalmum, alius reuelationem, omnia ad edificationem fiant.* Au demeurant leur auons en-
toinct en ce qui reste à executer, qu'ils ayent à eux humilier vers le Roy, *cuius*, veritablement, *iusta fuit indignatio.* Et que pour cet effect, ils eussent presentement à nommer deux d'entr'eux, à ce qu'ils eussent à se transporter vers ledit Seigneur, afin de le supplier tres-humblement d'oublier l'offence en laquelle ils peuuent estre encourus, & de leur pardonner & remettre, & de les tenir en sa bonne grace, le tout iouxte & conformement audit Arrest. A quoy a esté respondu par lesdits de la Faculté, portant la parolle pour eux, ledit Maistre Nicolas Maillard Doyen, qu'elle est tousiours tres-humble & tres-obeissante au Roy, & à la Cour, & fera en telle sorte que le Roy & ladite Cour se deurent contenter. Laquelle responce a esté baillee par escript audit Berruyer, pour inserer en ce nostre present procès verbal, comme ensuit.

*Responce de la Faculté de Theologie, faicte par
Monsieur le Doyen.*

Messieurs, la Faculté est tousiours tres-humble & obeissante au Roy, & à la Cour, & fera en telle sorte que le Roy & la Cour se deurent contenter. Faict le douziesme de Decembre 1561. ainsi signé, Ruelle, par le commandement des Doyen & Docteurs de la Faculté de Theologie de Paris.

Extraict des Registres de la Cour de Parlement.

Ce iour la Cour, pour executer l'Arrest par

elle donné à l'instance & requeste du Procureur general du Roy, à l'encontre de ceux de la Sorbonne, a commis, nommé & député, comme, nomme & depute Maistres Christoffe de Thou President, Charles de Dormans, & Barthelemy Faye, ou Maistre Jacques de Varade, Conseillers du Roy, en l'absence de l'un des deux. Faict en Parlement le second iour de Decembre mil cinq cents soixante & vn. Ainsi signé, Berruyer. Ce faict nous sommes departis. Ainsi signé de Thou, de Dormans, Faye, & Berruyer.

ARREST
CONTRE FR. FLORENTIN IACOB,
du 19. de Iuillet 1595.

Extraict des Registres de Parlement.

VEy par la Cour, les grande Chambre & Tournelle assemblees, les positions imprimez, dressez par frere Florentin Iacob, Prestre Religieux de l'Ordre de saint Augustin, Bachelier en Theologie, pour icelles soustenir & defendre publiquement le dixiesme iour de May dernier, en la dispute du grand Ordinaire en la Sorbonne, sous Maistre Thomas Blanzzy, Docteur en Theologie, Principal du College de Caluy: dont le cinquiesme article contenoit ce qui ensuit, *Huic porro sedi successor, in qua sedet etiam nunc Clemens huius nominis octauus, omnium Pontificum maximus & supremus; qui cum in terris vices Dei gerat,*

ab eodem esse spiritualia & temporalia non est ambigendum, spiritualement enim & temporalem in omnes habet potestatem, eique vniuersi Cardinales, Episcopi, & omnes omnis generis parere & obedire, & veluti membra capiti adhaerere perpetuo tenentur; Et le neuuesme, Domus Ecclesiastica cum duplicis glady habeat potestatem, Temporalis vsum ad bonorum defensionem & malorum exterminium Regibus & Magistratibus concedit.

Les interrogatoires faicts par l'un des Conseillers de ladicte Cour à ce commis, ausdits Iacob & Blanzuy, prisonniers és prisons de la Conciergerie du Palais: Conclusions du Procureur general du Roy, Ouys & interrogez en ladicte Cour lesdicts Iacob & Blanzuy sur lesdictes positions: Ouy aussi le Syndic de la Faculté de Theologie, pour ce mandé en icelle: Et tout considéré: Il sera dit, que ladicte Cour a déclaré & declare lesdicts cinq & neuuesme articles des positions, faux, schismatiques, contraires à la parolle de Dieu, saints Decrets, constitutions canoniques & loix du Royaume, tendans à rebellion, & perturbation du repos public: Cōdamné ledit Iacob, pour les auoir composé, fait imprimer, & présenté pour les soustenir en son Acte, de grand Ordinaire, estre conduit des prisons de la Conciergerie en la grand sale de Sorbonne, en laquelle les Doyen, Syndic, Docteurs, Licentiez, & Bacheliers, seront assemblez au son de la cloche, & illec estant teste nuë, & à genoux, assistant ledict Blanzuy teste nuë & debout dire & declarer, Que temerairement & indiscrettement il a composé & publié lesdites positions, pour estre disputees, & par luy sou-

stenuës en sondict acte de grand Ordinaire, dont il se repent & en demande pardon à Dieu, au Roy, & à la Iustice. Ce fait, seront lesdictes positions rompuës & lacerees. Fait ladicte Cour inhibitions & deffences à tous Bacheliers d'en composer & presenter de semblables, ou autres, contre la puissance du Roy, & obeissance à luy deuë par tous ses subiects, establissement de l'Estat Royal, & droicts del'Eglise Gallicane : & aux Doyen, Syndic, & Docteurs de la Faculté, de les recevoir, ny permettre qu'elles soient imprimées, ne disputées, sur peine d'estre declarez criminels de leze Maïesté, & indignes de iouir des Priuileges octroyez à la Faculté de Theologie, par les Roys predecesseurs du Roy regnant & confirmez par luy. Ordonne que ce present Arrest sera escrit és Registres d'icelle Faculté, & *leu par chacun an* à la premiere assemblee de la Sorde par le Bedeau de ladite Faculté. Et enioint au *Sindic* de certifier ladite Cour de la lecture dedäs trois iours apres qu'elle aura esté faite, sur peine de desobeissance aux Arrests. Et sera le preset Arrest executé par l'un des Presidents & quatre Cōseillers de ladite Cour, en la presence du Procureur general du Roy. Fait en Parlement le Mercredi dix-neufiesme iour de Iuillet mil cinq cens quatre-vingt quinze.

ARREST
CONTRE LE PARRICIDE DE
Henry le Grand du 27. de May 1618.

Extraict des Registres de Parlement.

V Ev par la Cour les grand' Chambre, Tournelle, & del' Edict assemblees, le procès criminel fait par les Presidents Conseillers à ce commis, à la requeste du Procureur general du Roy à l'encontre de François Rauillac, Praticien de la ville d'Angoulesme; prisonnier en la Conciergerie du Palais, Information, interrogatoire, confessions, denegations, confrontations de tesmoins, conclusions du Procureur general du Roy, ouy & interrogé par ladicte Cour, sur les cas à luy imposez, procez verbal des interrogatoires à luy faicts à la question, à laquelle de l'ordonnance de ladicte Cour auroit esté appliqué le 25. de ce mois, pour la reuelation de ses complices, tout considéré, **DICT A ESTE'**, que ladite Cour a déclaré & declare ledit Rauillac deuëment atteint & conuaincu du crime de leze Majesté diuine & humaine, au premier chef, pour le tres-meschant, tres-abominable, & tres-detestable parricide commis en la personne du feu Roy **HENRY IV.** de tres-bonne & tres loüable memoire. Pour reparation duquel l'a condamné & condamne faire amende honorable deuant la principale porte del'Eglise de Paris, où il

fera mené & conduit dans vn tumbereau, là nud
 en chemise, tenant vne torche ardente du poids
 de deux liures, dire & declarer, que malheureuse-
 ment & proditoirement il a commis ledit tres-
 meschant, tres abominable, & tres-detestable
 parricide; & tué ledit Seigneur Roy de deux
 coups de cousteau dans le corps, dont se repent,
 demande pardon à Dieu, au Roy, & à Iustice, de
 là conduit à la place de Gréve, & sur vn eschaffaut
 qui y sera dressé, tenaillé aux mammelles, bras,
 cuisses, & gras des iambes, sa main dextre y te-
 nant le cousteau duquel a commis ledit parricide
 ards & bruslez de feu de soulfhre, & sur les en-
 droits où il sera tenaillé, ietté du plomb fondu, de
 l'huile botiillante, de la poix-raisine bruslante, de
 la cire & soulfhre fondus ensemble. Ce fait, son
 corps tiré & desmembré à quatre cheuaux, ses
 membres & corps consommez au feu, reduits en
 cendres, jettez au vent. A déclaré & declare tous
 & chacuns ses biens acquis & confisque au Roy.
 Ordonné que la maison où il a esté nay sera des-
 molie, celuy à qui elle appartient prealablement
 indemnisé, sans que sur le fonds puisse à l'aduenir
 estre fait autre bastiment. Et que dans quinzaine
 apres la publication du present Arrest à son de
 trompe & cry public en la ville d'Angoulesme,
 son pere & sa mere vuideront le Royaume, avec
 deffences d'y reuenir iamais, à peine d'estre pēdus
 & estranglez, sans autre forme ny figure de pro-
 cés. A fait, & fait defences à ses freres, sœurs,
 oncles, & autres, porter cy-apres ledit nō de Ra-
 uailac, leur enioint le changer en autres sur les
 mesmes peines. Et au Substitut du Procureur
 general

general du Roy faire publier & executer le present Arrest, à peine de s'en prendre à luy. Et auant l'execution d'iceluy Rauaillac, ordonné qu'il sera dercchef appliqué à la question, pour la reuelation de ses complices.

Signé,

VOYSIN.

ARREST
CONTRE LE LIVRE DE MARIANA,
intitulé, De Rege & Regis institutione. du 8. de Iuin 1610.
Extraict des Registres de Parlement.

VE v par la COVR les grand' Chambre, Tour-
 nelle, & de l'Edict assemblees, le *Decret* de la
 Faculté de Theologie assemblee le 4. du present
 mois de Iuin, suiuant l'Arrest du 27. May prece-
 dent, sur le renouuellement de la Censure doctri-
 nale de la dite Faculté, faite en l'an 1413. confir-
 mee par le saint Concile de Constance, que
 c'est heresie pleine d'impieté, de maintenir qu'il
 soit loisible aux subiets ou estrangers, sous quel-
 que pretexte & occasion que puisse estre, d'atten-
 ter aux personnes sacrees des Rois & Princes sou-
 uerains, le *Liure de Iehan Mariana*, intitulé, *de Rege*
& Regis institutione, imprimé tant à Mayence, que
 autres lieux, concernant plusieurs blasphemés
 execrables, contre le feu Roy HENRY III. de
 tres-heureuse memoire, les personnes & estats
 des Roys & Princes souuerains, & autres propo-
 sitions contraires audict *Decret*; Conclusions du

Precureur General du Roy, la matiere mise en deliberation.

LADICTE COVR a ordonné & ordonne, que ledit *Decret* du 4. du present mois de Iuin, sera registré es registres d'icelle, ouy & ce requerrant le Procureur General du Roy, & leu par chacun an à pareil iour 4. de Iuin, en l'assemblée de ladicte Faculté, & publié au premier iour de Dimanche, es profnes des paroisses de ceste ville & faulxbourgs de Paris, Ordonne que ledit *Liure de Mariana*, sera brulé par l'Executeur de la haute Iustice deuant l'Eglise de Paris, & a fait & fait inhibitions & deffences à toutes personnes de quelque estat, qualité & condition qu'ils soient, sur peine de crime de leze Majesté, d'escrire ou faire imprimer aucun Liure ou Traicté contreuenant audit *Decret* & *Arrest* d'icelle; ordonné que copies collationnées aux originaux dudit *Decret* & present *Arrest*, seront enuoyees aux Bailliages & Seneschauſſees de ce ressort, pour y estre leuës & publiees en la forme & maniere accoustumées, & outres es profnes des parroisses des villes & faulxbourgs, le premier Dimanche du mois de Iuin: Enioint aux Baillifs & Senechaux proceder à ladite publication, & aux Substituts du Procureur General du Roy tenir la main à l'execution, & certifier la COVR de leurs diligences au mois. Fait en Parlement le 8. Iuin, 1610.

Signé,

VOYSIN.

ARREST

contre le Liure intitulé,

FRANCISCI SVAREZ E

Societate Iesu Doctoris Theologi De-

fensio fidei Catholicæ & Apostolicæ

aduersus Anglicanæ sectæ

errores.

du 26. de Iuin 1614.

Extraict des Registres de Parlement.

VEU par la Cour les grand' Chambre, Tournelle & de l'Edict assemblees, le Liure imprimé à Colongne l'an present, intitulé, FRANCISCI SVAREZ Granatensis à Societate IESV Doctoris Theologi Defensio fidei Catholicæ & Apostolicæ aduersus Anglicanæ sectæ errores, contenant au Liure trois Chapitre 23. pages 376.79.80.82. Chap. 29. pages 410.11.12.13 14.15.16.17.18.19.20. Chap. 6. pag. 834. Chap. 8. pag. 844. & autres endroicts, plusieurs propositions contraires aux Puissances Souueraines des Rois ordonnez & établis de DIEU, repos & tranquillité de leurs Estats, & qu'il est loisible à leurs subiecs, & estrangers, attenter à leurs personnes : Conclusions du Procureur general du Roy. Tout considéré :

Ladicte Cour a déclaré & declare les propositions & maximes contenues audit liure scandaleuses, & seditieuses, tendantes à subuersion des Estats & à induire les subiects des Rois & Princes Souuerains, & autres, d'attenter à leurs personnes sacrees : & les prapoz, faisant

mention des Rois Chlouis, & Philippe le Bel, faux & calomnieux: A ordonné & ordonne ledit Liure de SVAREZ estre brulé en la Cour du Palais par l'Executeur de la haulte Iustice: A fait & fait inhibitions & deffences aux Libraires & Imprimeurs d'en imprimer, vendre, ny debiter, & à toutes personnes de quelque qualité & condition qu'elles soient, en auoir, escrire, ny retenir, enseigner aux Escholes, ou ailleurs, ny disputer lesdictes maximes & propositions: Ordonne suivant l'Arrest du 8. Iuin 1610. que le Decret de la Faculté de Theologie du 4. Iuin audict an, sur le renouuellement de la Censure Doctrinale de ladite Faculté, del'an 1413. confirmée par le Concile de Constance, ensemble le present Arrest, & ceux des années 1561. & 85. seront leuz chacun an le 4. iour de Iuin, tant en ladicte Faculté, qu'au College des Prestres & Escholiers du College de Clermont, & quatre Mendians: & qu'à la requeste du Procureur general du Roy sera informé des contrauentions ausdicts Arrests: & defenses d'escrire, auoir, & retenir pareils liures. Fait en Parlement le 26. iour de Iuin 1614.

Signé,

VOYSIN.

O VLTRE a esté arresté que les Peres, IGNA-
CE ARMAND, Recteur en ceste ville,
COTTON, FRONTON, & SIRMVND, seront
mandez au premier iour en la Cour, & à eux re-
monstré que contre leur declaration & Decret
de leur General del'an 1610. le liure de SVAREZ
a esté imprimé & apporté en ceste ville contre
l'autorité du Roy, seureté de sa personne & E-
stat: & leur sera enjoinct de faire vers leur Gene-
ral qu'il renouelle ledit Decret, & qu'il soit pu-

blié; en rapporteront acte dans six mois; & pour-
 ueu à ce qu'aucuns Liures contenant si damna-
 bles & pernicieuses propositions ne soient faicts,
 ny mis en lumiere par ceux de leur Compagnie :
 & à eux enjoind par leurs predications exhorter
 le peuple à la doctrine contraire ausdites proposi-
 tions : Autrement la Cour procedera contre les
 contreuenants comme criminels de leze Majesté,
 & perturbateurs du repos public.

*L'Arrest cy-dessus & l'Arresté ont esté prononcés,
 presens Peres IGNACE ARMAND, CHARLES DE LA
 TOUR venu au lieu de PIERRE COTTON, FRON-
 TON DV DVC, & IACQUES SIRMVND. Et l'Ar-
 rest executé deuant les grands degrez du Palais le 27.
 Juin, 1614.*

